

太上洞玄靈寶業報因緣經卷之二

文二

太上洞玄靈寶業報因緣經卷之二

文二

善對品第二

大慈大悲普濟真人以業報因緣請問太上
爾時太上道君告普濟曰若有善男子善女
人廣造經像置觀度人布施齋戒濟死度生
普救一切衆生大弘誓願作大福田善根不
斷利益衆生者生天王國主身持齋奉戒誦
經禮念冥心注想真容燒香禮拜三寶大道
廣建福田者生皇后國母身供養三寶燒香
明燈晨夕不倦造經鑄像者得生天王門身

信樂經法作科奉行持齋念道布施立功者
生富貴智慧端嚴身持奉經戒誦念住持者
得生聰明貴勝身七世樂道奉戒誦經經法
布施救貧濟生度死常行慈悲供養三寶不
怠倦者得生出家身世世積善廣建福田持

文二

齋奉戒禮敬三寶誦念大乘修身行業不犯
戒律者得生大德法師身衆人尊仰生生信
奉歸敬三寶深重大法修行供養者生天人
中見世清淨長命富貴身供養三寶出家法
身者生長命端正身成就觀宇建立玄壇

生大富貴身敬信天尊大道冥心歸仰者生
具足法性身信奉經戒不生二想獲宿性通
知因緣宿命者得生尊貴衆人愛敬身敬重
三寶愛行布施救濟貧寒成就功德無所怯
惜者得生中國長命富貴身不殺生偷盜不

貪酒食肉者生長命具足身好誦經教長齋
奉道者生出家恭信身供養出家師德敬重
三寶一切法身者得生清淨端正身常憐念
一切物慈悲於蠢動者生高上貴豪身今世
作帝王國主者從累劫修齋奉戒廣種福田

不嗔不恨多劫多生設大齋醮濟度法界一
切有情命終之後得生快樂天宮天衣掛體
食祿自然從劫至劫受天福盡下降人間常
生帝王人家作如是福田中來若有善男子
善女人廣造福田供養天尊大道高真無量

文二

二

劫中作如是種種功德今世得生皇后國母
身若作帝子王孫公主王妃者從歷劫修善
多種因果中來長命老壽者從持齋奉戒慈
悲救度衆生中來子孫昌熾長命富貴者從
供養天尊大道中來父子夫妻男女常同居

處者從柔順和睦中來不相離隔從恩愛中
來在處得人敬仰甘膳美食充身可口者從
培常住福田中來豪貴尊重人見畏敬者從
敬信三寶中來富貴豐足者從布施持齋成
就福田救濟貧窮中來聰明智慧越衆者從
誦經法能住持中來形容端正者從供養三
寶出家法身中來若有清淨男女出家法身
爲人敬奉者從說法教化持奉齋戒多種福
田中來富貴巍巍永劫不衰者從布施成就
常住福中來所在得人尊敬貴人愛仰者從

布施持經奉戒中來身心清淨智慧聰明者
從護持三洞大乘中來所在快樂無災厄者
從放生濟物不犯衆生身命中來身體香潔
衆人見愛者從不飲酒食肉葷辛常在清淨
中來子孫豐多富貴圓滿者從廣行布施修

文二

三

補橋梁多作福田種種功德中來婦人誕生
健貴子胤夫婿敬愛者從作道場教化信心
中來生世音雅者從道場中讚詠三寶敬信
中來生世歡樂福慶自然者從道場中用心
至誠聞法聽經布施中來形容端正笑顏柔

和舉止奉聖得人愛念恭敬美順者從此養
出家法身持經護戒中來衣食豐足法昭常
有人布施珍玩飾身者從布施法師大弘法
服中來如是皆生此世或宗祖所行所行致
得今身之報或一身種善見世受報普濟當
須明示男女使識宿命善緣得福無量

惡報品第三

爾時太上道君告普濟及在會衆真人曰自
今後若有衆生毀壞天尊大道形像者死入
九幽十八地獄萬劫受苦苦苦盡方生得生人

中受腫癩病遍身膿血臭穢腥羶人不喜見
訾毀三洞大法經典者死歷九幽并入酆都
經千百萬劫方遇聖人救拔得出生野獸中
受無量苦得生人中舌根爛壞常有纏喉之
疾眼目有患誹謗出家法身者見世得蟲癩

病過去生六畜身破壞靈觀玄壇聖像者見
世眉髮墮落身體不全拖腰摩胯死入寒冰
地獄受苦滿足墮毒蛇身不敬天尊大道法
身者見世受愚癡憨矮瘡狂病報過去生六
畜中不信經法宿命報對者見世盲聾過去

生鳥獸中經無量劫方可得脫不信罪福因緣者見世為奴婢過去生蠻夷中難遇正法輕慢出家法身者見世跛躄過去生豬狗中屎尿之中常為飲食輕慢三寶獲罪如是人常住福地者見世形容臭羶過去生糞穢中

文二

四

歷千萬劫復生污水中為細線蟲姪犯出家法身者見世孤寡為人憎嫌過去生廁溷中為蛆蟲邪姪好色者見世患風邪癩狂惡病過去生猴豬中經之數劫生諸般野牛之甲偷盜三寶財物者見世貧窮過去生奴婢復

生六畜種種禽獸之中難復人身偷盜四輩
信施財物者見世得瘖狂病不聞三寶之名
過去生愚癡中啖食三寶果實蔬菜者見世
得翻胃不能進食過去生餓虎毒蛇中被人
打獵常遭刑憲復生人中更逢渴病偷盜齋
食及供養寶器法食者見世逢霹靂雷雹惡
鬼所傷過去生蟒蛇身死墮餓鬼中偷盜供春
醮壇器具等物者見世生下賤乞索覓食無
飽之身毀壞大道形像者見世生餓狗毒蟲
身飢寒無告永不得食過去生猿猴等身偷

盜經像財物者見世得癩病死墮諸地獄受
諸苦惱萬劫千生不得原赦過去生兩頭毒
蛇惡蟲身罵詈出家法師身者見世得風癩
重病過去生野犴身凌辱出家法身者見世
遭枷鎖牢獄拷掠過去生蠅蛆中破齋犯戒
支二
者見世得咽喉疾閉之病過去生虎豹餓狼
之中借常住三寶財物不還者十年十倍死
入酆都地獄鬼拷罪魂萬劫不得原赦過去
生蛇獅虬螭壁蛛等蛆中殺獵衆生者見世
得短命長受風病常遭牢獄苦厄過去生六

畜惡獸中愛食野獸等肉者見世值惡病過
去生麋鹿中嗜酒好色者見世風狂逢猛火
燒燎過去生淤泥穢土中好食葷辛臭穢者
見世得腥膻臭臊身過去生糞穢中持心不
堅固好弄出家人者見世得猿猴報死入鑊
湯地獄經無量劫後生諸鼠趣中復生人道
得手脚癱跛之報皆因不敬三寶中來手脚
斷壞拳縮一足短者從不敬三寶中來兩眼
雙盲者從不信經法輕忽三寶中來舌根爛
壞者從訾毀三洞大乘經教中來瘡痂不能

言語者從道說出家法師中來一生以來多
害瘡癬腦疽背癰徧身癩瘡皮毛孔竅膿血
腥羶癩蟲咬齧晝夜恓惶求生不得求死不
得者從誑惑三寶中來鼻塞不聞香臭者從
好啖酒肉五辛葷穢衝突三寶中來身體爛

壞節節自落者從誹謗三寶中來脣僂齒落
鼻梁崩裂者從毀道場中來曲腰歧背
短脚者從噴嗔三寶中來欺忽三寶偏眼斜
視三寶者見世受癘狂風邪迷惑病過去生
鱧魚水蛭中來見世愚癡者從不信因緣罪

福中來形容瘡腫醜陋者從罵詈三寶中來
眼赤口斜鼻傾不正者從誹笑出家法身中
來愚癡長病意志不足者從誑惑三寶中來
劫賊相逢殺傷財物者從劫奪三寶財物中
來水溺漂沉者從飲酒食腥羶之食穢慢三

文二

六

寶中來火燒灼爛者從損廢三寶中來毒蛇
吞噬者從傷殺出家法身中來毒蛇惡蟲入
口鼻者從惡口呪詛中來毒蛇惡蟲入孔竅
中者從耽淫中來遇虎狼猛獸噉食者從陰
謀惡毒中來飢寒凍餓衣食不充足者從修

齋醮供養三寶果食道場未散偷取中來偷
食上真獻御之食者永墮惡趣常作餓鬼海
邊阿脩羅鬼報偷盜三寶常住財物與六親
享受者今世父母離隔男女常不同居之報
嫉妬姦姪破人和合離人恩愛者見世受分
散之報貧窮困苦者從破齋犯戒中來常為
奴婢下賤身者從偷盜慳貪中來生世得人
憎嫌者從憍慢嘖嗃中來生世耽姪不避親
踈好醜者從豬狗六畜中來生世嗜酒猖狂
者從魚鼈蝦蟇水族中來生世嗜肉好殺者

從毒蟲猛獸中來生世不淨臭穢者從科斗
蟲中來身體臭穢不淨潔者從好食五辛豬
狗中來六畜生身者從殺生抵債中來野獸
麋鹿身者從食肉偷盜中來毒蛇蟒蛇身者
從嫉妬毒害中來餓虎生身者從欺凌劫奪
中來生廁溷中蟲者從姪慾不淨中來生蝦
蟇科斗身者從不供養三寶中來生魚鼈水
族身者從輕泄大道經寶中來生小蟲螻身
者從違犯經教中來獠犬野豬豺狼者從背
師棄本中來生乳鷲山雀身者從評論經教

多口合舌中來生鳩鴿老鷓諸鳥身者從好
是作法異常中來生鷹鷂鷓鴣鳥等身者從
破戒違經中來生鰥寡孤獨貧寒困苦者從
姪犯出家法身及墮胎害子中來形容醜陋
者從誹謗三寶傲誕出家法身中來風邪癩
病狂言者從布施不還及墮子落胎中來腹
大項細者從靈觀玄壇姪慾中來牢獄枷鎖
切身者從諂毒惡黨中來鞭棒楚撻者從毒
害衆生不慈悲中來猫兒水獺臊猫等類生
身者從食肉入靈觀玄壇中來蝨虱生身者

從食五種葷辛侵近三寶中來豺狼生身者
從貪恡不布施中來狐貉生身者從虛誑矯
詐中來鼠狃生身者從食齋殘供飲酒食肉
中來蜈蚣蚰蜒生身者從以陰毒妬害中來蜂
蠆虺蝎生身者從呪詛山家法身

蜥蜴生身者從欺忽三寶中來蜘蛛蛆蚓生
身者從慳貪盜取中來蚊蠅蚤蟲生身者從
慢法輕道中來邊夷下賤髡頭斷髮眼深鼻
長身體臭者從殺生邪淫不信因緣中來如
此皆生世所犯罪目死入地獄受諸罪訖更

生此身亦有見世報而生此身者悉由先世
所犯此身也普濟汝當心精信奉明示將來
令諸男女知其惡業故說頌曰

慳貪不肯布施者

後世貧窮少衣食

不敬尊師行輕慢

後生下賤奴婢身

借貸抵債欺負者

後生牛羊豬狗身

破齋飲酒食肉者

後生飢寒作餓身

破戒及懷諸嫉妬

後生鳥獸蟲蛇身

毀壞經像及輕慢

後生蟲癩膿爛形

穢污經像及玄壇

後生醜陋不具足

誹謗三寶并訾毀

後生無告豬羊狗

偷盜經像諸財物

後生邊夷得下賤

殺害衆生無慈念

後生魚鼈與六畜

嫉妬勝已殺賢良

後生惡獸毒蛇身

惡口呪詛無期度

後生猛虎風狂病

耽淫好色通骨肉

後生豨豬廁溷蛆

飲酒食肉及五辛

後生腥臭狂邪病

毀破天尊諸形像

死入九幽生癩癩

訾毀三洞大經法

死入地獄生野獸

訛謗出家法身者

見世高僧三六二

破壞靈觀玄像者 眉髮墮落身爛壞

不敬三寶真聖者 見世愚癡作畜生

不敬經法與宿命 見世盲聾生鳥獸

不信罪福因緣者 見世奴婢生六夷

不信出家生輕忽 見世跛躄為豬狗

文二

穢汚三寶清淨地 見世腥臭生糞土

姪犯出家清淨地 見世孤寡生廁溷

邪姪好色無親踈 見世風邪生殺豬

劫奪三寶諸財物 見世貧窮作奴婢

偷盜常住及侵損 見世風病作牛羊

九

費用偷盜信施物

見世癩狂為愚癡

噉食三寶果核等

見世消渴得瘦病

偷盜齋食清淨供

見世躡躑生餓鬼

偷取齋物將已用

見世飢寒不得食

凌忽罵詈出家人

見世風癘遭牢獄

破齋犯戒違禁忌

見世噎病生餓鬼

損害衆生無畏懼

見世短命枷鎖厄

食肉腥臭常血穢

見世百病不離身

嗜酒猖狂無尊卑

見世猛火惡鬼殺

好食五辛及臭物

見世腥膻生糞土

綺語戲弄出家人

見世猿猴生鳥獸

手足孿縮不伸展

不敬三寶得此報

手足斷壞無支節

不敬尊師得此報

兩目俱盲無所見

不信經法得此報

舌根壞爛及喑瘖

誹謗大乘得此報

言詞謬吃不能語

道說出家得此報

鼻擁不聞香與臭

好食五辛得此報

身體爛壞膿血流

毀謗三寶得此報

脣僂齒露鼻梁倒

破壞道場得此報

舉身蟲出肉臭爛

算弄三寶得此報

腰脊曲跌背脚折

欺忽三寶得此報

癩狂風邪迷惑病

不信因緣得此報

形容醜陋并瘡瘡

呪詛三寶得此報

眼赤口偏鼻不正

調戲三寶得此報

愚癡憨矮無意志

誑惑三寶得此報

文二

劫賊殺害取財物

侵奪三寶得此報

大水漂溺沉沒者

耽色嗜酒得此報

猛火燒灼形焦爛

損費三寶得此報

毒蛇吞噬及蜥螫

打罵出家得此報

毒蛇入口及鼻孔

惡口呪詛得此報

毒蛇惡蟲入竅穴

邪淫放蕩得此報

虎狼猛獸噉食者

陰謀惡毒得此報

飢凍寒餓常不足

侵損常住得此報

身常虛乏無氣力

不持齋戒得此報

父母男女常離隔

破人和合得此報

貧窮困苦常飢寒

破壞齋戒得此報

為人奴婢常辛苦

偷盜慳貪得此報

為世憎嫌人不喜

憍慢傲慢得此報

受身豬狗常噉糞

姪犯六親得此報

受身魚鼈蝦蟇身

嗜酒猖狂得此報

受生毒蟲猛獸身

嗜肉殺生得此報

受生科斗螻蟻身

不淨姪穢得此報

受生麀鹿野獸身

偷盜殺生得此報

受生蟒蛇毒龍身

嫉妬毒害得此報

受生餓虎鷹鷂身

欺負抵債得此報

文二

十一

受生狂犬狐兔身

背師棄本得此報

受生鳩鴿鷲雀身

作法異常得此報

受生鵬鷗鷲鳥身

不用經教得此報

受生孤寡無男女

墮胎害子得此報

受生醜陋人憎惡

笑弄出家得此報

受生瘕癩風狂病

布施不還得此報

受生諸雀鷓鴣身

評論毀教得此報

受生枷鎖常切身

諂毒忠良得此報

受生棒杖不離身

非法拷楚得此報

受生猫子狸豹身

食肉入觀得此報

受生蝟蚊臭穢身

葷穢經像得此報

受生豺狼狐貉身

恇惜虛矯得此報

受生狴狀狸鼠身

齋竟食肉得此報

受生蚰蜒蜚蝻身

觀中姪慾得此報

受生蜂蠆虺蝎身

呪詛惡口得此報

受生 蠅 蜓 蜥 蜴 身

嘖 嗚 傲 誕 得 此 報

受生 蜘蛛 蚯蚓 身

貪 姪 自 盜 得 此 報

受生 蚊 蟲 蚤 蠹 身

輕 道 慢 法 得 此 報

受罪品第四

太上又語普濟曰地獄受罪因緣使來生男

女識其罪福歸向正真永斷三業清淨六根

而為偈曰

生世不敬信

毀壞道真容

上聖及仙真

靈人與神人

玉童將玉女

金剛并力士

侍衛威神尊

一切諸形像

破損復輕慢

穢污不恭敬

姪犯生戲弄

傲誕自噴噀

評論及經法

強說是與非

破齋又破戒

偷盜與貪財

種種不敬信

死入九幽獄

備歷十八中

足履刀山上

兩手攀劍樹

裸身抱銅柱

赤體卧鐵牀

頭上戴火山

文二

十二

背常負鐵杖

飢則食火炭

渴則飲銅汁

鑊湯沸爛煮

火車燒灼身

碓擣及磔磨

倒懸及倒瀝

鋸解及刀刑

針鋒貫肢節

硤石逼身形

寒冰斷筋骨

塘煨走東西

跳躑不得住

腥穢常臭處

漣汲溟波水

以灌於四瀆

惡鳥爭啄睛

銅狗來噉齧

毒蛇競吞噬

牛頭折其脊

一日萬死生

苦痛不可忍

萬劫方得出

前世破齋者

死受餓鬼身

飢則食猛火

後生得噎病

復成膿血形

前世犯經戒

死入刀針獄

左右穿其身

萬痛不可忍

後生得長病

求生死不得

前世偷齋食

死入鑊湯煮

潰潰骨肉分

日夜無休息

後生為貧寒

衣食常不足

前世偷錢財

死入刀山獄

分別於身形

節節自斷絕

後生病賴身

為人不喜見

前世笑三寶

死受銅灌口

百節皆火燃

形容並焦爛

後生不具足

六疾纏其身

前世不敬信

死入劔樹獄

手足寸寸斷

日夜不暫停

楚痛徹心骨

後生為愚癡

前世生輕慢

欺弄於三寶

文二

死入火車獄

形容盡焦爛

後生為醜陋

所在得人惡

前世為口舌

誹謗出家人

姪犯及調弄

死入泥犁獄

鐵犁耕其舌

後生廁溷中

或作諸豬狗

前世毀經教

死被鐵杖拷

晝夜不離身

遍體皆流血

十三

後生無鼻舌

世人常憎嫌

前生殺衆生

牛羊豬鷄狗

鵝鴨雉兔輩

麀鹿虎豹屬

鴟鴞及鷲雀

豺狼狐貉狝

駝騾驢馬類

魚鼈龜鼉鱉

螺蜆蝦蚌蛤

蚰蜒蜈蚣等

蝮蠅螻蟻等

蛭基蚊蚤蟲

蝨蟠蠛蠹蟲

熊豹諸獸等

獅猿猴及虎

一切飛走衆

種種皆殺伐

不生慈善心

遇者悉殘害

死入諸地獄

備歷於衆苦

旦夕受痛惱

楚痛難居處

是諸牛羊輩

悉皆來索命

俱言喫我肉

或道殺我身

此日無方便

今日捉得你

須還我昔債

求走亦無路

魔王開罪簿

勘會知其實

一一還他命

萬劫不得脫

後生受此身

復作牛豬羊

乃至鵝鴨輩

任他還殺伐

以償前身罪

猶如種五穀

前世行偷盜

竊取三寶財

齋戒或信物

父母男女財

天王及百姓

一切非己物

見作生盜心

常行不善行

劫奪於行旅

恐脇或斷命

穿牆與抄掠

正晝將夜中

常伺其空闕

牛羊及奴婢

資財與珠玉

絹布玩弄等

氈褥及衣服

器具諸調度

果菜并米麥

絲縷及毫髮

抄合將斗升

方便皆竊取

死入火車獄

形容灼爛苦

後生為牛馬

為人償宿債

頷穿脊皮斷

鼻穴肌肉裂

飢渴常辛苦

口中不能語

任人將殺戮

以報偷盜罪

文二

前世行邪淫

放蕩無期度

姦姪人妻妾

離隔分骨肉

六親相通同

以及出家人

乃至於六畜

手扎并他物

著處生邪心

不擇於善惡

或於清淨地

靈觀玄壇內

對經或近像

裸露天地間

日月星辰下

十四

不避於鬼神

名山大澤側

社廟神祠中

種種生諸姪

放縱於欲心

死入九幽獄

男抱火銅柱

女卧熱鐵牀

遍身煙火生

脂肉皆焦爛

百節皆斷壞

更加鑊湯煮

鐵杖晝夜拷

復入寒冰獄

擘裂於身心

碓擣磴復磨

鋸解碓剉斫

復生糞穢中

受身廁內蛆

或作豬狗形

展轉臭穢間

縱更受人身

風狂邪病形

愚癡加醜陋

孤寡及貧窮

人所不欲見

前生苦慳貪

所在求人物

積財如山嶽

心常吞江海

常自不厭足

持齋授戒處

造像及寫經

營建於靈觀

燒香燃燈所

凡厥作功德

不肯施一毫

就中為方便

常欲覓利益

死入寒冰獄

凍斷其身形

百節皆破壞

後生在邊夷

或為人奴婢

或復作牛羊

文二

十五

駝騾驢馬身

負重使致遠

領穿及肉斷

辛苦不得息

飢渴常在身

身死食人肉

萬劫更受生

還為不具足

手攣或脚踏

眼盲或耳聾

鼻僂口偏斜

胷高腰脊曲

形容復醜陋

所在無人惜

生世多瞋怒

常生毒害心 意中常迫逐 瞋男或瞋女
畜生及奴婢 似此煎熬身 持刀或持棒
惟欲害於物 憤憤止恚恨 曾不少時喜
死入針鋒獄 左右貫其身 連心及肝膽
洞腸達其脅 血出無斛數 後生為蝦蟇
怒目不得語 或為鯨鯢魚 目瞋浮水上
鷓鴣競來取 分張喫其肉 縱得生人中
還為愚癡報 作人常醜拙 言詞無方便
語則逆人意 無人憐愛者 前世常愚癡
不信罪福因 笑人作功德 常言無宿命

不敬於日月

天地及星辰

一切諸鬼神

莫不生輕慢

常行不善事

種種皆為惡

死入十八獄

備歷諸苦惱

萬劫生蛇身

心中常有毒

腹中無臟腑

飢渴不得食

人皆見欲殺

縱得生人道

還得愚憨報

前世為綺語

并及於妄言

矯誑三寶前

父母及男女

君王與百姓

凡是合會處

莫不生離間

讒害於忠良

離異人朋友

嫉妬惡勝已

傳言作口舌

浪說為是非

轉虛以為實

用白反作黑

道說人長短

強知多是非

所在生破亂

死入拔舌獄

鐵錐刺其口

硤石逼身形

噉食諸臭穢

令舌長百尺

以釘釘其舌

滴滴血流出

後生為狗身

噉食諸臭穢

晝夜不得眠

常為犬吠守

縱得生人身

瘖瘂不得語

文二

十六

或復為蹇吃

前世惡口舌

罵詈親疎人

不擇善惡言

隨口即復出

畜生與豬狗

蟲生將虺蝎

世間諸惡物

無種不比數

呼天或叫地

引鬼復牽神

上及於三寶

天地日月星

呪詛相厭禱

書名畫形影

捏土或刻木

結綵與圖像

爪髮衣服具

井竈流水上

門戶行道中

神廟星月下

車行狗吠處

社稷山林內

針刺刀斷項

反纏鞭其脊

無所法不為

厭禱於忠良

國君及大臣

公侯或百官

父母與妻子

奴婢將媵妾

不問其貴賤

著處遭毒口

世間共不喜

死被鎔銅灌

百體皆煙出

後生為蜂蠆

惡蟲與虺蝎

蜈蚣蚰蜒等

復生於螺蚌

尾上常擎毒

只欲損於物

合口不得語

人行又不近

宿身更入沒

縱得受人身

亦復為瘖吃

前世多戲笑

調弄於諸人

死被鐵鳥啄

眼睛俱迸出

鼻口中流血

痛毒不可忍

後生為兔身

膚劃不能語

人見皆趁逐

鷹犬亦捉捽

縱得受人身

還復為瘖症

前世嗜酒肉

文二

噉食於五辛

出入法堂中

近經又近像

穢污出家人

遊行諸淨地

玄壇及靈觀

不避於罪福

醉亂或猖狂

元不畏尊卑

惡口將惡語

罵辱於三寶

或於天地內

人鬼與神靈

父母并男女

形名人善惡

十七

道說他是非

死入糞穢獄

臭穢不可與

萬劫方得生

受形更復惡

廁溷內作蟲

生身俱不淨

或作蝮蠅等

蠅蛆及豬狗

或作蝨蟠蟲

臭穢人不喜

縱得受人身

形容恒醜惡

遍身皆臭穢

腥臊如狐貉

口齒自高下

面日常腫漏

所在得人嫌

男女亦不喜

前世抵債者

借貸不肯還

因公恃勢力

欺忽於世人

死入倒懸獄

或處倒瀝地

動則經萬劫

後生為騾驢

或作病患狗

乃復為牛馬

負重常辛苦

前世違經教

自作一法則

棄本不尊師

誑惑於賢愚

死入大地獄

遍受於苦毒

刀鋒望心刺

鐵錐劓其舌

百節釘鐵釘

後生為鵝鴨

或為魚鼈身

殺戮不能語

任人生與活

縱復生人身

即為癡聾瘂

前世不信善

侵奪於常住

寸縷及毫毛

果菜與米麥

死入十八獄

種種受諸苦

後生餓虎中

常不得飽食

縱得生人身

水火刀兵殺

或復得長病

風狂及瘋癩

前世不恭敬

噉食三寶物

米麥及果菜

一粒將兩粒

但是經其口

不限其多少

死入鎔銅獄

飢則吞鐵丸

渴則飲銅汁

死入餓鬼身

終日不得食

百節常火燃

美食變成火

後生為餓狗

縱得生人身

貧窮少衣食

或為人奴婢

亦復作六畜

文二

十八

辛苦備受盡

晝夜無休息

前世不慈悲

憎嫉於貧寒

及以囚徒輩

產婦與老病

皆不生恩愛

死入流沙獄

萬劫不得出

後生魚鼈中

縱得受人身

還復受貧寒

前世飛鷹狗

燒山徧草澤

布網竭江湖

剖胎破卵殼

乃至於螻蛄

科斗蛆蚋輩

養蠶及暴繭

凡厥有形物

胎卵化濕屬

皆悉遭傷殺

死入燔煨中

東西不得出

身形焦壞爛

後生邊夷國

刀兵常所射

或作諸禽獸

還復被傷割

前世不慈法

與師同牀席

死入湧泉中

或在寒冰內

又復錐鋒上

身體被痛楚

遍身膿血流

後生爲猿猴

形容不具足

前世見三寶

傲誕不恭敬

坐卧立形像

心中生輕慢

死受鐵杖拷

晝夜不得息

後生爲獸身

常被人刑殘

縱得受人身

手足攣跛躄

曲腰又隆背

凸胷及僂脊

雙盲及瘖瘂

耳聾或鼻塞

衆生業無量

受報亦無極

各從其本業

非從他人得

後世更生身

還復依舊因

當來善男女

諦思吾此言

文二

十九

罪福如影響

吉凶若車輪

爲善得善報

爲惡受惡緣

皆自蒙其福

莫不由本身

太上洞玄靈寶業報因緣經卷之二



